

द्रुवगजः

मुक्तो

न॥थोवेत्तस राजामंत्रिनिससयां
जलानाव॥पापमुक्तजुयाववन॥थो
पापमोचनयानावमोक्षेयदलाये
यासेवायायेमालधकमेविवोधि
विचित्रकर्निकावदानेदुनियरुपा
नमोलोकनाथाय॥॥धनंलिहा
लसा ज्येनवनविहारसअसंघेदे
गइत्यादि समस्तदेवलोकपनिमु
स्तआज्ञादयेकुगुषगंधेधालसा
गुलिदयावचोन॥थोनगरजुयुग
वचोनहनंदुवव्यावउनिवरावर

जगन्नाथकवि
१०

येकचित्तजुयाव कथये पंचाभि
नेयाकारणास ग्वसमनुक्षेयाजुलसा
वांछायाकपनिसेन॥श्रीभगवान
सत्वनंआग्यादयेकलं ॥इतिश्री
य॥ २ ॥उंनमोरत्नत्रयाय॥॥
नंविननियाये भोपरमेस्वरगथेधा
व नाग जक्षेगंधर्वकिंनर महोर
नकाव॥सभाजुयावसिक्षेगनपनि
ह्यापांकपूरवनिधयानाम नगरछ
थिनधालसाहिंषुजोज भुमिकेना
जुयावचोनहनंथोदेसयासिसि॥

॥ अ. ल. ॥

॥ ३३ ॥

हसगुलिपर्षालनेउयेकावतयादव॥ हननानापकारयास्मानसिमानेसंजुक्तजयाव॥ फलफलनंवाप्रजयावचो
न हनंधोदेससुनानापकारयागुगलपंछिगनपनिवासयानावचो॥ हनंसाधुजनपनिअसंवेवासयाना
वचो॥ थथिनगुदेसया राजापदकेतुधयास्मराजानं रजाईयानावचो॥ हनंधोस्मराजायानिपनि नि
सदयावचो॥ सुसुधालसा पभावतिधयास्मदुल ॥ सुलोचनिधयास्मदुल थोतेनिसरानिपनिस्मरितया
नावताकालंकालहनावचो॥ थनंलिछुहुयादिनस सुलोचनिनंचितनायात॥ गथेधालसापभावतिया
जा॥ जुवराजपुत्रदव जिजापुत्रंमदुभाग्यंमदु निदानस थयावसासचोनेमालि॥ थोतेयाकारयासजिनं
जत्रमयासेमजिलवकमालपाव॥ छुहुयादिनसराजायाचितरुषजयावचोनेवलस राजायाकेविनति
यात॥ भोमाहाराजथनियादिनसजिनंछुताविनतियायेगथेधालसापभावतियाजा जुवराजदयावचो
जिकायेमचामदु॥ छुलपोलसदाजिनंवोधयानावतयेफइवमधु थोवेलसजिनंदुःषभोगयायेमालि
थोतेयाकारयासजिनंविनतियायेतेनादयाप्रसन्नजुसेविज्यायेमाल॥ धकधावगुवचनहुनाव राजानं
आज्ञादयेकल॥ हेरानिछुनमनसछायेअविमानचाया हतासचायेमतेबुलहुनंदयाववयितिनिपर

॥ गुरु ॥

॥ ३३ ॥

जुव राजः

सुतो

मेश्वरयाभावभगति यावच्छनतजिमदुलाजिजिसराजोयाधनसंपत्ति सकतांछनषुसिमषुलाछनधयागुज्यासु
नानंमयाकेफवच्छवरोवरसनेनावतयामेवमुदुछनंधयागु जिनंछुमयानाआवच्छनंछुधायतेनाधावध
कश्चाज्ञादयेकुगुऊनाव सुलोचनिरानीनंविनतियात॥ भोसाहाराजछलपोलयाआमलिमायादनिधया
गुजलसाछलपोलसेनंसत्यवाचायानाववियेमालधकाविनतियाकगुभाषाडनाव राजानंआग्यादयेकल
भोरानिछनधयागुवचनजिनंम्वेलसलंघनायानादवच्छनधयागुजिनंयानावविये॥ सत्यनंयानावविये
छनमनसछुसंदेहजुलहानंदेसनगरग्रामआदिछनंगुगुधालउगुसत्य२नंवियेजुलछनमरास
लोवगुधावधकआग्यादयेकुगुऊनाव॥ सुलोचनिनंविनतियाते॥ ॥ भोसाहाराजआमथेजुलनावजि
नंविनतियाये गथेधालसाछलपोलयाकेमेवनाविनतियायेतेनामषुछलपोलयादयानंधनसंपत्तिइ
त्यादिनिलहिलनंपरिपुर्णजुयावचोनथुका॥ हानंनानायकवानइत्यादिनयेगुतोनेगुवसुकंजिनंविन
नियानामषुछुधालसाछलपोलयाराज्यगनतदतअननंजितमासधायेलक्षितजिगुरुकमृचलेयान
कावविसेविज्यायेमालधकविनतियाकगुऊनाव राजानंआज्ञादयेकल॥ भोरानिछनछुषन्धतवयाति

वनी

॥ अरु ॥

॥ ३५ ॥

साजानियातथधिनगुग्गाछये मेवतागधावधकआग्गादयेकुडुनावरानिनंधाले भोमाहाराजछलपोलयात
जकछुधंदामालजिगथेमालअथेअथेयाये छलपोलयासत्यदतिसाजिनंफोनेधुनविसेविज्याहुनेहा
नंमषुसत्यमदुलराजाजुलसाजिनंछुधयेधकधावगुवचनऊनाव राजानपुनर्वारआग्गादयेकल भो
रानीछनमनसछायेअंदोलयानावचोनाधिनंमवियेधयागुजामषुथुगुछताछनतस्वालधकथुकाधया
आवछुयाये छनतवियेगुजासत्यनंविसेधुनमषाधकधावगुवचनऊनाव रानीनंपुनर्वारविनतियातं
भोमाहाराजजिनंफोनागुवियेधकप्रतिजायायेधुस्येलिअदिकषल्लानावचोनायाछुप्रयोजनवियेलाषतसा
ननानंवचनविवधकतमचायावहतकुगुतायाव राजानंधालछुयायेसत्यवोलयायेधुनलछितछनपरि
मानयायेजुल ॥ हापांछनवचनलंघनायानामदु ॥ आवंछनवनपरिमानयायेमषाधकधयावधिधिंसंभा
दयानाचोचोंप्राप्तकालजुयाववल ॥ धोवेलससुर्जेउदयेजुसेलिरानियामनसरुषमानयानाव सुसं
हुनंहिलावराजायापालस्वयावधाल भोमाहाराजआवछलपोलयादयानंध्वराज्याअधिकारजिजुल
आवछलपोलयापुत्रजुवराजछलमथोदेससतयेमषुचांदालयालाहानिसलवल्लानावमोचके ॥ जिपुत्रि

॥ गुरु ॥

॥ ३६ ॥

जुवराजः

सुतो

चित्रमोहिनि यात विवाह रयाना वरा ज्येया अधिकार समस्त थो यात विर्ये माल धक विलम्भ या ये मते न नानं वीन
कल छेव धक धा वरा वचन रुना व पक्ष केतु पक्षोतर राजानं रुस पत निपांति ना व देव या नाम क या व शा सुका
लत या व रानी या पाल स्व या व धाल भो पय छनं छुष लाना थथिन पाये चित गुष छाये लाना थथ्ये लोक नं सि
ल ना व छन त छु धाय थु गुष जालो प या ना व छे व सु या तं क ने मते ॥ ध क राजानं धा वरा वचन ने ना वरा नि या म
न स अति अहंकार या ना व धाल ॥ भी मा हा राज छ ल पो ल से न छु आ जा द ये का व वि ज्ञा ना आवं लि छ ल पो ल या
वचन प्र मान या ये म पुत छ ल पो ल या सत्य वा चानं थु गु रा ज्ये या अधिकार जि जु ल आवं जि गु रा ज्ये स जि ये थ
या ये छ ल पो ल या त छु धं द ध क छु द्र वचन त या व रुत कु गु वचन रु ना व पुन र्वा र राजानं को म ल वचन नं आ
पा द ये क ल ॥ भो पय छाये आ मा थिन गु म पु गु ष लाना व चो ना थो रा ज्ये या अधिकार जु को स क तां छन त जु ल
परं तु जि पु त्र जु वरा ज या गु ष छ ता ल्हा ये म ते जित अति नं ल ज्वा जु ल ॥ थु गु ष छ ता ल्हा ये म ते ध क धा वरा वच
न रु ना व पुन र्वा र रानि नं धाल ॥ ॥ हे मा हा राज अदि कं ष लाना व चो ना या छु प्र योजन जिनं धाल सानि श्व
ये नं म या स्ये तो ल ते म पु छ ल पो ल से नं सत्ये वा च या ना गु जा मृ थ्या वो ल जु ल ध या गु जु ल सा छु या ये जिनं थो

चनी

॥ अक्ष ॥

॥ ३५ ॥

पानत्यागयानाव चित्रमोहिनि सहितनंगलसकियावनि संसिये अथेनामपु सत्यवाचायानाव वियेधुन ववध
यागुजलसा जिनं थुलियाये कारणास छलपो लयान सत्यवाचायानकागुषव **॥** थोसंसारस सत्यवरोवरत वधन
छुदवचनु सूर्ये आदि पृथिवि आकास वायु थोपनिस कलें सत्यया कारणास थुका सुमेरु उलाव चोन धकधा
वगुड नाव राजानं विनतियात **॥** भो माहुरा निजिनं सत्यवाचायाना थं चित्रमोहिनिया न राज्या अधिकार वि
येधक धया थुका जु वराजया पान छताज करक्षा यानाव विये माल धकनाना प्रकारां विनतिया नाव चोन ध **॥**
घनावरानिया मनस अनिनं क्रोध जु याव **॥** वाक टटट नं हे याव वयद नाव कोत वाल सलता व धाल भो कोत
वाल छपनि थ थं वनाव ग्यान के सर मंत्रि सलता व रुकि रुनि धकरानिनं धाव गुवचन ड नाव कोत वाल पनि
वनाव तत्कारां मंत्रि वो नाव रु **॥** थो वेल **॥** ग्यान के सर नं जुलसां राजारानि निस सयां चरणा सभो क पु या व
विनतियात **॥** भो माहुरा ज छलपो लया छु आग्या जुलजियनि से नं छु याये माल धक विनतिया क गुवचन ड
नाव राजानं आज्ञा दये कल भोजान के सर जिनं छु धाये सुलोचनिया के ने नाव स्व वधक आज्ञा जु वगुता याव
पुनर्वा रानिया के विनतियात भो माहुरा नि छु आज्ञा द से विज्या ना धक विनतिया क गुड नाव सुलोचनितं

॥ गुरु ॥

॥ ३५ ॥

जुवराजः

मुद्रा

धाल॥ भोजनकेसरजिनंदुधाये छनराजानंजितथोराज्येयारुताकर्तासमस्तविवरुद्धनंसिबनिलाआव
जिनंदुधनाधयानं नानातरह्याषल्लानावचोनवलधकधावगुवचनडुनाव मंत्रिनंविननित्यात॥ भोमा
हरानीध्वराज्यया अधिकारसकतांविवरुजिनंदुनाववयेधुन परंतुछलपोलसेनंदुआज्ञादयेकाविज्या
नाध्वयाविस्तारजिनंमसियानिआग्नादसेविज्याहुनेधधवावगुवचनडुनावरानिनंआज्ञादयेकलभोमं
त्रिजिनंयायेधयाकार्यमेवतामपुगथेधालसा॥ जुवराजयातनिकावियुधकजिनंदुलकयतयानावराजा
यातसत्यवाचायातकागुषव थोयाकारणाछुधालसा जुवराजमोचनयानावजिपुत्रिचित्रमोहिनियातवि
वहरयानावथोदेसयानिकावियावथकेधकधयाधक धावगुवचनडुनाव॥ ज्ञानकेसरनंविननित्या
त॥ भोमाहरानिथुगुषछताजाछेमायासेविज्यायेमालधकविननित्याकषनाव॥ राजानंमिषासयोदित
यावमंत्रियाल्लखयावआज्ञादयेकल॥ भोमंत्रिजिनंधुलिजकविननित्यानावचोनाविसेषनंदननं
थोछलपुत्रथोमचास्यानाव चित्रमोहिनियातनिकावियेधकधावल्लआमजिनंदुधायेगथेयायेमा
लधकमिषानंषोविहयेकावधिथिं हल्लावचोनगुषनावमंत्रिनंरधायेहंससियावसुमकंचोनप्रथि

वनी

महामुखा

॥ अस्त ॥

॥ ३६ ॥

नवेनस जुवराजानं धुगुसमचारसियाव थवमामपमावतियाथा सवनाव विनतियात ॥ भोमाताजिनं छतावि
विनतियाये गथे धालसाथनियादिनस छलपोलवजिव विजोगजुइनअथेनं हतासचासे विज्याये मतेछु
याये कर्मयाभोगसुयात दोषतये छानधालसा चमाजुनं जिगुपानस इषातयाव ॥ जितमोचनं यानावजिके
हेचित्रमोहिनियात थोदेसयारजाइवियेधकतयारजुयावचोन ॥ थोतेयाकाररासजिगुपानलेनिवमषु
तधकविनतियाकगुडोनावपमावतिरानिनं थवपुत्रयाधालस्वयावधाल ॥ भोपुताछनछुषल्लानवयावि
नास्काररास छायेविनायराधनं मेवयापानमोचकयु ॥ मषुगुषछयेल्लानाहाहादेवथनियादिनसगथि
नविपरितषडुनेमाल आवछुजुयुषेधकमारुधंदाकयावपुनर्वारधाल ॥ हिपुताछनंराजकुलसछुंअप
राधयानागुदुला ॥ थथेछुंजुलसाजिनं थोपानगथेयानावरक्षायाये ॥ भोपुताजिमनसजाअतिनंआकुलया
कुलजुलधकधावगुमामयावचनउनावजुवराजानं पुनर्वारविनतियात ॥ भोमाताछलपोलप्रमितमजु
लसा मुरुत्रमात्रजकलनाव विज्याहुनेधकहालावचोनवेनस सुलोचनिनंदुनिकाजनपनिछोयाव वोन
कलरुलथोवेनस ॥ दुनिकाजनपनिसेनंराजकुमारयाचरयासभोकपुयावविनतियातं ॥ ॥ भोमाररा

॥ गुरु ॥

॥ ३६ ॥

जुवरा न

सु लो

ज. छलपोलयाचमाज. सुलोचनिमाहरानियात. थोराज्येया अधिकारि विल आव छलपोलथर्था विज्या रुने
धक विन निया नाव रुल धक धाव गुवचन उनाव. राजकुमार नंदुनिका जनया खाल स्वयाव धाल. **भो दुने**
जन आमषया विस्तार जो सकतां जिने सित. **आव** जिव वाया सत्य नये या कारणा सजिव येने ना. संसार ससत्य वि
नाने तव धन पदार्थ छुद व थोने या कारणा सजिव येनु यो धक धयाव मामया चरणा सभोक पुयाव विन निया
न. **भो** माना आव जिने व वाया सत्य नल वने छलपोल रुता सचा से विज्या ये मने धक मामया तधिर्जवो धवि
याव थ वरु के कांत नं राज कुल सव नाव. थ व व वाया चरणा सभोक पुयाव छ ये चो ना व विन निया तं भो मा
हरा ज छु आ ग्या जु या जि य नि से नं छु या ये माल धक विन निया नाव चो न प ना व. राजा या मन स अति नं आ
कुल या कुल चित या ना व छु उ ना वि ये म फ या व. पुत्र या खाल ज क स्व या व हि हि मि न का व पो या व चो न प
नाव रा निया मन स अति क्रो ठ या ना व. वा क ट ट ट हे या व ला हान वो वो स्थाना व सगु लि मि षा क ना व रा
जा या खाल स्व या व धाल. **हे** राजा छा ये सु म कं चो ना. छु न सत्ये द नि ला म द न ला सत्य द नि ध या गु जु ल सा
छु धा ये माल धा व सने जा म द न ध या गु जु ल सा. छु न ला हान नं सु ना नं ल य तो नु ध क धा व गु व च न उ ना व

चनी

॥ भस्म ॥

॥ २० ॥

राजकुमारयामनसथुलिभालपु थनियादिनसजिगुजिवरक्षाजुगुधयागुमारुकरुजुल अथेनंरुतासचा
येसतेवधकथमथेथमनंधिर्जयानावचोन थोवेलस ॥ मंत्रिनंविनतियातंभोमारुहानिआमगुषछतावा
हिकनंमेवताछलपोलयागुगुमा नोवांछुजुलउगुजिमिसेनंयानावविथे थोदेसचालसां नानाग्रामजुल
सांछलपोलसेनंगुगुचालउगुतयारयानावविथे राजकुमारयाजिवछतारक्षायानावविसेविज्यायेमाल
धकविनतियाकगुउनाव रानियामनसअतिनंअरुंकारयानावधाल रेरेदुस्समंत्रिछनंछुपल्हातवया
थोराज्यछनपुसिला छजुलंमारुचतुरजुयावषल्हातवलथुगराज्ययाअधिकारजा छनराजानंजितविथे
धुनकलआवजिगराज्यसजीययाथेयायेथोराजकुमारयातजा अवसेनंघातकमयासें तोलतैमपुधकधाव
गुऊनाव राजानंनुगलसदायावमारुविलापयानावधाल ॥ हरुदेव थनियादिनसजिनंगथ्यायेदनं
छस्सकायेजिपानसमानयानावतयासथथिनवालषया पानकावगुगुथेस्वयावचोने ॥ थथेवल्लाकारन
थोदुराचारिमिसायातछुंयायेधालसांजिनंसत्यबोलयानावविथेधुनआवगथेयायेमालधकनाना
माथनंषोयावमनभ्रमनायानावचोन थोवेलस ॥ जवराजनंववायाचितअंदोलजुवगुषनाव राजकुमा

॥ गुरु ॥

॥ २१ ॥

जुवराज

मुद्रा

रणां थुलिमनसभालय आवजिने थोजीवया माया कया वचो नाया छु प्रयोजन अनित्य जया वचो नगु सरीर छ
हुम पुछु हुया दिन स तोलता वचने मानि थुका सितिक नं वनि गु प्रान ववाया सत्ये पुनत या वचने धक भाल
पाव ॥ थो ते या कारणा सजिने विलम्भ या ना वचो नाया ज्या मद्यत धक भाल पाव ॥ ववाया चरणा सभो क पुया
व ॥ श्री भगवान या नाम क या व ॥ वाथा क दना व अने त ज या व चो नगु सख क या व थ व ववाया सने नय
या कारणा स थ व त थ मनं तुं थु गु स्वर्ग नंगल स कि या व जुवराज नं प्रान त्याग या ना व विज्यात ॥ थो वे
ल स ॥ जुवराज नं प्रान त्याग या क ष ना व प ष के तु टा जा जुल सां रु चाना व वि या गु सि मा गो ल तु ल थो भ मि
स गो ल तु ला व मु छु ज या व व न ॥ थो वे ल स ज्ञान के सर मंत्रि नं जु ल सां राजा मु छु ज या व व न गु ष ना व क
लिल मात व फल नं क या व गो ल तु व थ्ये गो ल २ तु ला व ना ना मा थ नं विला प या ना व चो न ॥ थो वे ल स च
मा ज सु लो च नि या धाल सा मन स रु ष मान या ना व भाल यु धं न्य २ जि भा ग्य लो क नं अ वि वा द या यु या भ ये
मो च न जु ल का ध क मु सुं हु नं हि ला व रु ला व चो न ॥ थ नं लि प मा व नि रा नी नं थु गु स मा चा र सि या व म चा
न न स कि सि रु व थै रु ला व व य द ना व व व वे ल स जुवराज नं प्रान तोल ता व चो न गु ष ना व नु ग ल स रु

वनी

॥ अस्त ॥

॥ ३८ ॥

यायेमफयावनानाप्रकारांविनापयानं गुगुलिप्रकारांविनापयानं धालसाहये २ पानसमानपुत्रनेनि
रापराधनं पाननोलनेमालआवजिम्बानावचोनायाछुप्रयोजनछवनापंजितवोनावयवधकमत्पुज
यावचोनसजवराजघसपुनाव तुपानयावधालनं धालनापलानकावनानाप्रकारांविनापयाकष
नावअंतपुरयासपिगनपनिसकलेरुहकारयानावचोनगथेधालसागोसस्येनंथवनुगलसथमनं
दायावस्वस्सेनंथवगुसथमनंपुयाव ग्वस्ससेनं एधिविसगोल २ तुलावधुगुप्रकारनंराजकुलसहु
ननूनंदिनितिनं रुलावधोयावचोनगुसदनं माहुराजायामुच्छालनाव सोकवेलस सुलोचनिमुसुंहु
नहिननावचोनगुषनाव राजायामनसअतिअपमानचायाव दयायेहंमसियावजुवराजायाधालनुस्व
यावविनापयानावचोन रुनंजालुकालतुनयावदेवयानामकयावधालरुहदेवजिपुत्रविनास्कार
यासफुनजिकायेम्बानकावविसेविज्यायेमालधकनानाप्रकारां देवयानामनुकयावधोयावचोन
रुनंयमावतिरानीनं श्रीभगवानयानामनुकयावनानाप्रकारांविनापयानावधाल हेकरुनामयेआ
साजिगुपानकासेविज्याहुनेआसाजिकायेम्बानकावधारयासेविज्यायेमालधकनानामाथनंविनाप

॥ गुरु ॥

॥ ३८ ॥

जुवराज

मुनी

यानावचोन हानमंत्रिने श्रीनारायणायानामनुकयाव चालहे नारायेरा आवजिथोस्मराजकुमारविनानेथो
पानगथेरक्षायाये हरि गथिनवियरितजुलधक हलाव पोयावचोन हानसधियनिसेनंराजकुमारया
गुनवरालुमनकाव श्रीमहादेवयानामनुकयाव हलाव पोयावचोन ॥ थुगुलिप्रकारां सकलमंत्रिका
जिभारादारकोतवालप्रभृतिदेसयाप्रजागनयनिसहितननानामाथनंगुनवरालुयानावदेवदेवतापनि
सयानामनुकयाव हलाकारयानावचोनगुसव ॥ ज्येतवनविहारसविज्याकसु श्रीसाकमुनिभगवाननं
तायावदिव्यचक्षुक नावेस्वकवेलस पम्मावनिप्रभृतिसकलसेनं थवगुनामनुकयाव पोयावचोनगु
षनावजतिकरुनाचायाव ॥ मोक्षदायेकधयानाम ॥ समाधियानाव थवगुहानिकायातेजप्रकासयाना
वविल ॥ थोवेलस ॥ चासवोधिसत्वपनिसेनंविननित्यात भोसाकेराजथनित्यादिनसछायेतेजप्रका
सयानावविज्यानाजीपनिसेनंछुयायेमालधकविननित्याकगुनेनाव ॥ श्रीभगवाननंआज्ञादयेकल
भोवोधिसत्वपनिसेवताकारासमषु करपुरवतिनगरयापमकेतुराजायाकायेजुवराजवपम्मा
वतिरानीनिसंपुष्पविमानसतयाव स्वर्गथतयेनकि जिनंपकासयानावछोयागुतेजअनथेनेधुनक

चनी

॥ अस्त ॥

॥ ३८ ॥

लघकआग्नादयेकगुड नाव वोधिसत्वपनिचासंअनधेनकावविमानपनसतयावमपुजयावचोनसजवरा
जवपमावतिरानिनिल आकासमार्गनवोयेकलयेन थोवेनस ॥ सभामराडसचोनकास्पपभिशुप्रभ
निसकलसभोजोकयामनसअनिआसार्जेचायावविनतियातभोभगवान् ॥ थनियादिनस अपुर्वाहिक
नआकाससछायेविमानस्रानकावयेनधकविनतियाकपनावभीभगवाननआज्ञादयेकल भोकास्प
पछनमसियानिलाकर्पुर्वतिधयानामनगरस पञ्चकेतुराजायाकाये विमकेतुधयास्रराजकुमार
यात वयाचमाज सुलोचनिधयानामरानिनंछलजालयानाव ॥ थवस्वामियातसत्यवाचायातकाव राज्ये
याअभिभारथवतकयावजुवराजमोचकेधकचोनवेनस थोसजवराजनंथवववाया सत्यतयेयाकारयास
थवतथमनंगलसकियाव ववायाधर्मवचयेयानावथोराजकुमारमपुजयाववस्पोलि थवयामामववा
पनिसेनंजिगुनामनुकयावअतिनंविनापयाकयानिमिर्निनंजिनंगभंस्तीमालाप्रकासयानाव वोधि
सत्वपनिछोयावनिलमाचांकायेकलछोया आवस्वषावतिधयाभूवनस थनयेनथुका धकआज्ञा
दयेकगुड नाव पुनवीरविनतियात भोसर्वज्ञ धन्य २ छलपोल प्रानियाउपरसकरुनातयावविज्या

॥ गुरु ॥

॥ ३८ ॥

जुवराज

सुतो

नहनंदुःखिदरिद्रपनिउपरसगथिनकरुना थोसंसारसछलपोलविनानं रक्षायाकलसुदवगथे
धालसाधनविज्या नानंकर्पु रवतिसजुवगुषसकतांसियावविज्या कल थधिंनलपरमेभ्वरयाचरन
सकोटि २ नमस्कारधकनानाप्रकारां गुणावर्णायानावचोन थोवेलस ॥ थगुमभासचोनलदेवपु
त्रनं कास्यपमिक्षुयाकेविनतियात भोनायेकधन्य २ परमेभ्वरयाप्रसंसा थलपरमेस्वरया थीनअभि
जासुयसकोटिदेवलोकयांदयुमषुगोस्मसेनजा सुयनिजोजन पाकगुषना तायाधक आज्ञादयेकलजि
मनसजाभतिप्रतिनमजुव जिवनावभानिस्वयाववयेधकधयाव ज्येतवनविहारणांदनाव कर्पु र
वतिनगरवनेधकप्रस्थानयानाववले थनोलिकर्पु रवतिनगरसचोन राजा मंत्रिप्रभतिसकल
लोकपनिमुनावहाहाकारनंविनापयानावचोन थोवेलससुलोचनियामनसहर्षमानयानावरा
जायाचरणाभोकपुयावविनतियात ॥ भोमाहाराज आवतिनिछलपोलया मतेनाभावदनिधकसि
या आवविलम्भयासेविज्यायेमतेननानंविचमोहिनियानविवहारयानाव थोराजेया अधिकारस
कतांविब धुलिकार्जेयानाव वियेसधुतलेछलपोलयातसुखजुयुमषु धकधावगुवचनऊनावश

चनी

॥ अस्त ॥

॥ ५० ॥

जायामनसअतिनउसिधायाव मंत्रिलतावआजादयेकलं ॥ भोमंत्रि आवथोयापिस्तयातगथेयायेमा
लथथेमोचकेधालसा स्त्रीरुथ्याजुलकुंमयायेधालसाजिगुपानमोचकलरुनंप्रजागनपनिसकलया
तंदुःषविल आवथथे मृषुतजिनंयानागुसत्यवाचानितयेमाल थुलियाकाररासथकाजुवराजनंप्रा
नतोलतल आवथोयामनोरथजिनंपुरायानाववि ये धकराजामंत्रिनिससयामालकोषरुनाव प्र
जागरापनिसंमालकोदुविस्तादयेकाव घराठाघोषनयानावचोयेकल ॥ भोमाहजनयनिप्रजागनप
निचित्रमोहिनियातविवरारयाववि येनेना ॥ मालकोसा मांगिनाललातकि वधकधयावदेसयाकुला
चारथेमालकोताललातकावनाना प्रकारयावाजन सेनावषाषनसेनाव तथा रयानावतल ॥ नंली ॥
राजायासत्यतयेयाकाररासथस्त्रचित्रमोहिनियातविवरारयानाव मालकोकर्मयायेधुनकाव सुलो
चनिमुसुहुंरिलावविनतियात ॥ भोमाहाराजकुलपोलयादयानंजिपुत्रिचित्रमोहिनितोरज्येया
अधिकारजुलधंन्ये २ जिह्वाचयाकर्मधक माहारुर्षमानयानावविनतियाकगुहूनाव राजानंमंत्रि
याधालस्वयावआग्पादयेकल ॥ हेरानिआवडुयाये छवरोवरमतेनावतया मेवसुदव थ्वनेयाकाररा

॥ ग्रह ॥

॥ ५० ॥

जुवराज

सुलो

सछनेधयाथेयानावविद्या आवजिनंधयागुवचनछननेनिला गथेधालसाछनतजा लछिनसम्मथुका
छनतविद्या आवनेलिजाजीनंधयाथेचोनेमालमपुला ॥ आवजिनंछनामनसभालपावनयादु जिनंधाये
तुनंविलेभयाथेमदुःविद्ययाथेमदुःतत्कारांसिधयानाववियेमालधक आज्ञादयेकुगुठुनाव सुसुहुं
नेहिलाव विननियान भोस्वामिछलपोलयावचनछायेलंघनायानाववियेछलपोलसेनंगुगुआग्पादयेक
लउगुतत्कारांयानाववियेधक धावगुठुनाव राजाया मनसईषानयावमुसुहुंनेहिलावसुंमकंचोन ॥ ॥
थनेलि ॥ राजानं मंत्रिसलतावधालभोमंत्रि आवजापापिस्तदुराचारियाजा चायायेनेल ॥ धयायात्मानं
दिवगुदुःखछनंजिपान जुवराजमदुगुखकसहयायेमफतधक धावगुराजाया आज्ञानेनाव मंत्रिनंवि
ननियान ॥ भोमाराज जुवराजयाजातवभाग्यजुलका छानधालसा छलपोलयाधर्मनंजुवराजयापुंन्य
यावलनंदिमानसदनाववन ॥ थथिनअभुनजानेनेनंमलोनानि स्वयेनंमलोनानिधकविननियाकगुठु
नावराजानंआग्पादयेकल ॥ भोमंत्रि उषुनयाषजाजिनंअथेथथेधायेमफुनिधंयाथेविमानसजाया
वनषवला जिनंजा भालपेमफुग्वलदैवयादयाने विमानसतयावयेनमसियाधक धावगुवचनउनावमं

चनी

॥ अ. ल. ॥

॥ ४९ ॥

त्रिनं विनतियात भो माहुराज थ्वया विस्तार धाल साजिनं मसिया निधक राजा व. मंत्रि वनि ससया थि थि
षल्हाना वचो न वेलस ॥ अने वन विहार रां वदल देव पुत्र धेन कल वया व. राजा या न स्वस्ति धक आसि वा
दत या वचो न ॥ थो वेलस ॥ राजा न देव पुत्र या धाल स्वया व. आजा दय कल भो माहुरा पुरुष छ सुष व
छाये वया धक धा वगुड ना व. देव पुत्र न धाल ॥ भो माहुरा जजिनं छ ना विनतिया ये धक वया मेव ता
मषु छ लपोल या कलानि स दया वचो थो पनिस नि स थि थि विरोध जु या व. छ लपोल या न सत्य वा
चा या न का व. छ ल कपत नं जु वरा ज मो चन या ये धक ॥ धा वगु स मा चार सिया व. राज कु मार थ मनं मृ
त्यु जु या व वन धक धा वगुड ना थ्व वेलस ॥ थो या मा म पद्मावती नं नाना प्रकार रां स्व क या ना व. मृत क
सरिर घं स पु ना व. जु वरा ज या धाल नं धाल ना पलान का व ॥ श्री भगवान या ना मतु क या व. विलाप या
या कष ना व. पर मे श्वर या सरिर स चो न गु ॥ मनि क या की रण प्र का स या ना व. विमान उत्प निया ना
व थु गु विमान स पद्मावती व. जु वरा व नि स न या व. स्वर्ग थन ये न धक धा वगुड ना व. जि थन व या ष व
लाम पुला धक धा वगु वचन ने ना व. मंत्रि या मन स अनि विस्मय जु या व धाल भो देव पुत्र छ लपोल से

॥ ग. रु. ॥

॥ ४९ ॥

जुवराज

मुक्तो

नंगर्थे सिया सुनाने कन धक धयाव देव पुत्र न धाल भोमं त्रिजिजुलं मेव मषु गुगु ज्येत वन विहार स चो नल्लु गोत मनाथ
यासे वा या नाव चो नाल थका गोसु करुनानि धाननं छमि गुथ धिन विपरित जुव गुस्व याव थव गुमनी कया किरां
प्रकास या नाव रुत गुने जन थका विमान धन उत्पति जु याव थुगु विमान सत याव थुकारा ज कुमार पचाव निरानी निसंथ
नयेन भो माहाराज धक देव पुत्र न धाव गुव चन डुनाव राजानं विन नियात ॥ भो देव पुत्र थो लभ गवान धया ल गन ध
व धं २ थ धिन ल पर मे श्वर या दयानं धनि जि का ये उ चार जु या व वन ॥ आ व जि नं थो ल पर मे श्वर या द र्शन या ये गु
अनि इ क्षा जु ल ध क ना ना प्रकारां विन निया क ष ना व ॥ देव पुत्र नं आ ज्ञा द ये क ल भो माहाराज थु ल पर मे श्वर
या महि मा जा सु ना नं ल्हा ये फ ड ॥ गो ल जु लं स सार या उ पर स करु ना न या व हि न स्व पो ल चाने स्व पो ल दि व्य च क्षु
क ना व स्व ल २ स या गु गु २ दु ष जु ल उ गु २ भ ये मो च न या ना व स न्व पा निया के करु ना न या व वि ज्ञा क ल ॥ थ धि
न ल पर मे श्वर या महि मा जि नं ग न ल्हा ये फ ड व च क धा व गु व च न डु ना व ॥ राजा या म न स सं नो ष जु या व पु न वी र
धाल भो देव पुत्र छु ल पो ल या व च न डु ना व जि म न सं नो ष जु ये धु न भो देव पुत्र आ व ग धे या ये जि धाल सा थ
ल पर मे श्वर या द र्शन या ये गु अनि नं इ क्षा जु ल ग धे या ये माल ॥ थु लि जि गु उ पर स करु ना न या व जि गु आ सा पु

वनी

॥ अ. ल. ॥

॥ ४२ ॥

रायिनाविविधं थुलिजिगुविनतिथेनकावविसेविज्यायेमालधकनानापकारांविनतियाकषनावदेवपुत्रनेचा
ल भोमारुगज आव आमर्थेजलनावजिवनावखलवनेओसरसीयावजिनोविनतियानावरुये निमंत्रनापत्र
छ ॥ १ ॥ निचोसेविज्याहुनेधकधावगुवचनऊ नाव तत्कारांनिमंत्रनापत्रचोयावविल गथेधालसा
भगवन् बुधविरस बुधनाथंनमस्तुने ॥ बुधकायनमस्तु साक्यकेतुंनमस्तुने ॥ आमंत्रयामिहंनथ पुजामन्दक
रोम्पहं ॥ भिक्षुगणोनसाध्वंचअस्तौदिवसमागत ॥ आगंतु न्वत्सपार्षद्य ममभाग्यंविसेषत बुधमार्गनविजा
नं आगच्छभगवान्मुने ॥ गथेधालसाहेभगवान् ॥ हेबुधविर हेबुधनाथ छलपोलयाचरयाकमलस
जिगुभावनें सह्रकोनिनमस्कार ॥ छयाकाराशधालसाजिजलंमारुअजानि बुधमार्गयाभेदमसियावचो
नास्म आवच्छ लपोलयातजिनंपुजायायेनिमिर्निर्नंनिमंत्रनायानावरुया जिअनाथयाउ परस दयाकरुनात
याव ॥ थनिंच्याहुसछलपोलया भिक्षुगतपनि सहित्तयानावविज्यायेमालधकसिलोकदयेकाव राजानंदेव
पुत्रयातलवल्सनावविल ॥ ॥ थनेलिदेवपुत्रनंजुलसांराजायावचनऊ नावधंन्य २ परमेश्वरधकअन्या
विस्तारस कतांस्वयावमनसहर्षमानयानाव थुगुनिमंत्रनापत्रजोनावजेतवनविरारथेनकलवनावराजा

॥ गुरु ॥

॥ ४२ ॥

जुवराज

सुखी

नंविनतियानावह्याथेनिमंत्रनायत्रवोनावविनतियात॥ थोवेलस॥ श्रीभगवान्मुसुंडुनंहिनावआग्पादयेकल
हेदेवपुत्रछगनवनाववयाधकआज्ञादयेकगुडुनावथोलदेवपुत्रनेविनतियात॥ हेनाथछलपोलसेनं कर्पुव
तिनगरसचोनल जुवराजयाविस्मारआज्ञादयेकगुपतिनमजुयाव स्वलवनानं छलपोलसेनंथनगथेआज्ञाजुया
अथैसकतांजुवगुषनावधन्य२धकेअननं नमस्कारयानाववयेतेनावेलस॥ थोलराजानंछलपोलयातनिमंत्रना
पत्रचोयावजितवियावहलधकविनतियानाव॥ सकलभिक्षुगनपनिसयामनसहर्षमानयानावचोन॥ थ
नयाषथुलि॥ थनंलिअनकपूरवतिनगरस राजानंमंत्रियाधालस्वयावधाल॥ भोमंत्रिआवदुर्मीनिरा
निछलसयाजात्रायायेमानि जिनुगलसइषादनि॥ थोयातधालसानिश्चयेनंथ्वदेससनयेमषुआवथ्व
यातविपरितयानाव॥ निचाजानि यातफोनेवियावछेये॥ थयापानधालसागथेकायेआवछवनावथो
देसस स्वलदरिद्रजुलउलमालावहकि॥ थोयातवियावछेयेविलम्भयायेमतेधकआज्ञादयेकगुडुना
वज्ञानकेसर मंत्रिनंजुलसो राजाया आज्ञार्थेनकारणांदनाव विरूपफोगिनमालवनं॥ थनंलित्वालपति
कनंमालावजुजुं२ छगुलिथानसअमिमथयादुनेचोनावचोनलपापदेहि कुलनंथियावचोनलजाचकछ

वनी

॥ अ. ल. ॥

॥ ४३ ॥

सपनाव मनस आसार्जे चायाव स्वयाव चो न ॥ थोजाच कजुई गथिं न लधा लसा ॥ माहापातकि गंगल दया
वचो न मेयथें हाक वराजु याव चो न छपातु निखुल ॥ छपा मिषाकान धुसिलु याव चो न सकल लोक न निंदा
यायेवरु लजु याव चो न थाथि न लजाच कछ सपनाव मंत्रिया मनस आर्जे चायाव लिख याव धाल ॥ भोजाच
क छजुलं अति दुषसियाव चो न ॥ आवजिनं छुं छुता वियाव हये वायो धक धाव गुवचन उरु नाव थ्वल जाच
कया मनस हर्षमान या नाव ॥ वाथा कद नाव तुनि छपा पुलक याव मंत्रिवना पंचानवल थो वेलस ॥ जानके
सर मंत्रिनं राजा याथासथेन काव विनतियात ॥ भो माहाराज छल पो लया आग्याथे अति दरिद्र विरूप जाच
क वो नाव हये धुन धक विनतिया क गुडु नाव राजा या मनस हर्षमान या नाव आजा दये कल ॥ भो मंत्रि आव
छ थथे वनाव आम दुर्मति सुलोचनि वो नाव हकि धक आजा दये कु गु वचन उरु नाव अंत पुर सव नाव रा नी
यात ना पं वो नाव राजा याथासथेन कल हव गुष नाव राजा या मनस अति हर्षमान या नाव धाल ॥ हे एय जिने जुल
सांछ नं धया वचन परि मान या नाव छ नं धा को सकतां या नाव विये धुन आवजिनं धया वचन छ नं उरु नेला मनेने
लाधक आग्या दये कु गुडु नाव सुलोचनि नं विनतियात ॥ ॥ भो माहाराज छल पो लया दयानं जिगु मनोरथ

॥ गुरु ॥

॥ ४३ ॥

जुवराज

सुलो

पुराजित आवच्छलपोलसेनं आज्ञादयेकुगुजिनं सत्य २ नयाये धंक सत्य वाचाया कगुठ नाव राजानं आणाद
येकल भोमं त्रिआमथे जुल नाव आ मछनं वो नाव रुया सजा चक यान विया वछे व विलम्भ याये मते चकरा
निया लासत जो नाव मंत्रिया तल वल्ह नाव विलं ॥ थनं लिजान केसर मंत्रिनं राजाया आज्ञाथे थो सजा
चक यान अन्नपान इत्यादि नयाव ॥ सुलो चनिया लासत जो नाव थो सजा चक सल नाव थो सरानि थ्व या नद
न विल ॥ थनं लि रानिया मनस अथे धाये रुं मसिया व मंत्रिया प्वाल स्व या व धाल रु राज नम थनिया दिन स
छाये जित थथिन फचित जिनं जा सुयानं छुं या नाम दु छु या कार रा सजित थथिन रु बाल धक नाना माथ नं वि
न निया नाव धाल थो वेल स ॥ मंत्रिनं धाल भो सुलो चनि आम ष जिनं मसिया मा रु राजानं गथे आज्ञा जुल अ
थे ज कसिया जिके विन निया नानं छुं म चा व जिथा स रु ला व चो ने मते चक धया व गल स पि ना व छे त ॥ थो
वेल स थो सजा चक या मन सं हर्ष मान या ना व रानिया लासत सातु सा ला व येन ॥ थनं लि जा चक नं थ वला
सात सातु सा व गु ष ना व रानिया मन स थु लि भा ल पु रु रु दे व थथिन छल क पत या गु म ता या चक नाना माथ
नं विला प या ना व षो या व व न थो वेल स चित्र मोहिनिनं थ व मा म फो ने विया व छे व गु स म चार सिया व व

चलो

॥ अ. स. ॥

॥ ४४ ॥

वायाथासवनाव विननियान भो माहाराज कलयेलयामनसकुलुन थवकलातफोनेवियावछोयानं लोकस
अविवाद मज्जलाजिमामयान थथिन फचितकुरिये विनापराधनं थथेयाये अजोग्य भो पिता चक नानामाथनं
विनाययानाव चोनषनाव ॥ राजानं आज्ञादयेकलं भो पुता चित्रमोहिनि छनमामया अयपराध छन गथे मषना
थुगुखकलुमनानं जा छनमाम मोचकानं भिनथुका ॥ आवदुयाये कुअन्नकडव्य कुचस्त्री थोने तोलते माल
विसेषनं छनमाम वजिव सत्य वाचायानाव तया दवथोने या कारणास थथेजुल ॥ भो पुता जोमनिसो गतिथे
संसारस गोससयाजुलसां भीनगुचितयाये मा उगु कारणास थुलियानि मिर्तिनं थुका गथे धालसा गुगुमनिजु
लउगु गतिजुयुसंसारस दैवनं यानाव तया थुका ॥ थोने या कारणास सतसंगयाये माल सतसंगजुलनाव स
तगतिपाप्पिजुयु आवदु याये छहला चोनाथा कुंपयोजनमदुधकधिर्जवियावतल थनंति पुजालोक
पनिसकलैथिथि हलाव चोन गथे धालसा अहो आसार्जे द्रुया कारणास थोसरानि थथिन भनं जाचकयातदान
विलमसियाधक हनं गोससैनं धाल थो पापात्मा दुर्मीनिरानियात थमनं तुं यानागु कर्मभोगयाये मालका
धक थोने प्रकारां प्रजागनपनिथिथि हलाव चोन ॥ थनंति राजा यामनो रथपुराजिधाव संत्रिसलताव धाल ॥

॥ गुरु ॥

॥ ४४ ॥

जुवरा ज

पुता

भोमंत्रिआव्रजिनंभालपागु कार्ज्यसकतांयायेधुन॥ श्रीभगवानयादर्शनछतायायेमफुनि आव्रगथेयाये
थथेभगवानविज्यातसा पुजायासामांगीकुंमदुनिथोनेयाकारास सकतांसामांगीतयारयाव हानंगनम
नोरमजुल अनसिंरुसनआदिनयाव दानसालादयेकिवधकधाव्रगवचनउ नाव्रजानकेसरमंत्रिनं
नानाप्रकारयासामांगीतयारयाव यनलिदिनवेजानेया वराजानं मंत्रियातआग्यादयेकलं॥ भोमंत्रि
आव्रगथेयायेपरमेश्वरविज्यातकेगादेनधालसाथनिजुल॥ श्रीभगवानधालसाआव्रनलेमविज्याक
निथोनेयाकारास॥ निमंत्रनानियायेमालधकधयावपन्नकेदुराजानंजुलसांन्यातारंगयास्वानतया
वतायेअक्षेत दाफोस्वानतयाव लाहाननिपानंस्वानयासलजोनाव कर्मसिषायाचोसचोनाव जेतवन
विहारपाचेस्वयाव श्रीभगवानयानामकयावथोस्वानहोलावछोन॥ ॥ थोवेलसलाहानराजलपा
व्रवितनितियातं हेभगवान्थनियादिनसजिगुअधाभावनंछलपोलपुजायायेधकभालपाव धर्माकि
रनामदेवपुत्रयातवितनितियानावनिमंत्रनापत्रविसेरुया थुगपत्रवितनितियानावरुयाथेसिधेगनपति
सकले सहितयानावविज्यायेमालधकवितनितियानावचोन थोवेलस॥ थोसरजानंहोलावहवग

चनी

॥ अक्ष ॥

॥ ४५ ॥

स्वानजुलसां आकासनं वृत्ताव ॥ श्रीभगवानया के स्वानवागानवृत्त ॥ थोवेलस सिक्षेगनपनिसेनं वृत्ताव ॥ श्री
भगवानया के वितनित्यातं ॥ हेनाथथनित्यादिनस अकसमाननं छये स्वानवागानावृत्तल सुयाजनुभा
वनं जुलधक वितनित्याकषणाव ॥ श्रीभगवाननं आज्ञादयेकलं ॥ हेमिशुगनपनि छपनिसया लोलम
नला उषुनधर्माकरनामदेवपुत्र यातविया वरुवगुनिमंत्रनापत्रसचो नर्थे करपुरवतीनगरस पिराडपात्र
दानयायेधक थनित्यादिनस पमकेतुराजानकर्मसिषासचोताव ॥ निमंत्रनायायेअर्थनं स्वान होलावह
वृगुलिनं थनस्वानवागानावृत्तल ॥ भोक्षुगनपनि आवृजिजिसकले वृत्ताव थोसुराजायामनोर्थपुर्णायोनावि
येनुयोधक आज्ञादयेकावृविज्याकषणावसिक्षेगनपनिसकलयामनरुर्षमानयानावृथव ॥ आश्रमनंदना
वनानापकारयावोदेथानकावृछत्रधोजपुताप चामलइत्यादिबोयेकावृ माहउत्साहयानावृमिशुगनप
निसकलेमनकावृकर्पुखतीनगरसविज्यायेधक अधिपराक्रमनं आकासगमनयानावृ राजहंसबोसेव
वनथेबोसेवृत्तावकर्पुखतीनगरयासनिपसथेनकलविज्यात ॥ थनलिआकासनं श्रीभगवानविज्या
कगुषणावृपमकेतुराजारुता ॥ सनंथवृमंत्रिसलतावृआग्यादयेकलंभोमंत्रिवायो ॥ परमेश्वरभगवान

॥ ७६ ॥

॥ ४५ ॥

शुभराज

सुतो

विज्ञात जयेमालस्वव २ धक के ना वरुता २ सन नाना प्रकारया वो देथान का वना ये अक्षेन दा फोल खान जो
ना वल स्वल वन ॥ थो वेल स भवा भावन मान्यया ना व वसालाया व नाना प्रकारया सीधु जात्रा या ना व लख
या व राजकुल स विज्ञात कल ॥ गथेन था स चाल सा सुद्ध भुमि स सा स विन व थिला व नाना प्रकारया रत्न थ
ना वत या सिंहासन स अने गछ त्र चोज प्रताप चामल इत्यादि नाना प्रकारया इलाम पे ना व तया था स नाना प्र
कारया पात पतें वर देह ल पा व नाना प्रकारया खान माल इत्यादि किं किं निजाल पे ना वत या था स विज्ञात का
व पंचो पचारयां पुजा या ना व गंगा जल नं तुति चाये का व श्री खं च नं ले पन या ना व नाना सुगंध खान फल मू
लादि पकवान छाया व फया थे भाव या ये पुन का व विन नियात ॥ ॥ हे भगवान् हे नाथ थ निया आवत ले जि
नं बुध मार्ग मसिया निथ निया दिन स जि पुर्व जन्म या भाग पतं छल पो लया दर्शन लाये पुन च न्य २ पर मे स्वर
आ व जि म नो रथ पुरां जुल आव जि जुलं मा हा जाल त दु ना व चो ना स पंक धाये ॥ धो प स दु ना व चो ना स था
हा व या थे जुल जित रक्षा या ना व ॥ बोधि ज्ञान स रया व मोक्षे पूरया ल क ना व विसे विज्ञाये माल धक नाना प्र
कारयां विन निया कष ना व ॥ श्री भगवान नं करु ना त या व आ जा द ये कलं भो न रा धि पति छनं जि के भगति

चनी

॥ अल ॥
॥ ४६ ॥

याकषताव जिअनिसंतोषजलभोराजन छनमनस सषातयेमु म्वाल गथेधालसासिसेतयागुधनलोपजया
ववनेफव दानयानागुधनमिननयेमफु कननयेमफु पुननयेमफु गथेभुमिसपुसातये ॥ थोतोथ्येगुग
पित उगुवुयुथोनेयाकारणास दानविनानं तवधनपदार्थ मेवताकुं महु गुगमनोवांछायान उगुप्राप्तिजया
वचोन ॥ ध्वसंसारस पुत्रपुत्रादि संतानदयुगुदानधर्मनथुका हनंराजाराणि धायेकावचोनेगुं दानधर्म
नथुका ॥ हनंअसंषेधनया मालिकजयाव माहजन धायेकावचोनेगुं दानधर्मनथुका ॥ हनं सोक्षेगनिलाये
गुं दानधर्मनथुका ॥ थोनेयाकारणास दानधर्मयायेमाल भोमाहाराजछनतजिन वरदानवियेवुन गथधा
लसा गोसमनुक्षेनं जिगुदर्शनयायेकारणास दोलक्षिद संवतपस्यायानावचोनदनि आवतलेजिनदर्श
नविलवनेमफु यानिधनियादिनस छनभाग्ननं देवपुत्रयादयानं छनतजिगुदर्शनलात ॥ आवछुजुलं
पमोतरधयासतथानजयेमाल आवछु देवभुवनसवनाव अमृतभोगयानावचोनरुनिधक आज्ञादयेका
व स्वस श्रीसाक्यमुनिभगवानजुलसां उगुसिंहासननं दानाव जेतवनविरारसंतुं लिहाविज्यामं ॥ थ
नलि राजामं विनिस्सयां मनसरुषमानया नाव पय आन्दनं चोनजुलं ॥ थनं लिखस्सपापाप्मादुराचारि

॥ गुरु ॥
॥ ४६ ॥

जुवराज

सुलो

सुलोचनितं जुलसां राजकुलसः श्रीभगवानविष्णुकुसमाचारसियावः नानाप्रकारणाविलापयानावः थुगुस्व
कसंतापनं शरुजयावः थोस्तरानिमत्पुजयावः थोवेनसः॥ निरापराधनं जुवराजमोचकायापापनं नरक
सभोगयानावचोनवनः॥ थनंलि राजकुमारिचिन्मोहिनिः कथनंतवधिकलजुयावः वसंलिः गर्भसिदयावः
गुलाहिलासंपुराजुयावः॥ राजकुमारजातजुयावः नामाकर्मयानावतल थनंलि कथनंतवधिकलजुयावः
राजामंत्रिनिस्सयां थिथिसमधारयानावः थोवालषयातराज्येयाअभिषेकवियावः राजाथापनाया
नावनलः॥॥ थनंलिकारांतरसदैवयासंजोगनः श्रीभगवानयाआपानं स्वर्गनं वोधिसत्त्वपतिः कोरुव
यावनानाप्रकारयादुंदुभिवादेथानकावः मंगलजात्रायानावः पुष्पविमानसतयावः राजामंत्रिनिस्संख
ह्यतथागतयाआज्ञाथ्येस्वर्गभुवनसः थतयेन थोवेनसः॥ पयोतरतथागतधकसकलदेवगतपति
सेनं पुजामांययानकावः अमृतभोगयानावः थवपरिवारसहितं पद्मआनन्दनंचोनजुलः॥॥ भोकास्ये
पभिक्षुध्वनेयाकारणासः धर्मयायेगुजुलसां दानपुंनयायेगुजुलसां जन्मजुगितनंयायेमाल थमनंया
नागुधर्मयाअनुस्वारणांथुका सुखभोगलायेदयु थोनेयाकारणासः मनुक्षेजमजुयावचोनावेलसदानपुंन्य

चनी

॥ धनक ॥

॥ ४७ ॥

यायेमालधक श्रीभगवाननंआत्ता
निसेनंथवर श्रधाभावनंयुजाया
मानयानात्र परमेश्वरयाप्रसंसाया
नात्र ॥ श्रीभगवानयातनमस्कारया
कावयने नैपालभाषातुतियह ॥
नमोलोकनाथाय ॥ ॥ थनंलिहो
लंछुगुलिसमयेसकपिलवतिनग
थेधालसाछलपोलजुलं ॥ अनेगदे
नवहत्यादि समस्तकृषिमुनिप
नागरधयाजनपदछुगुलिसअसं
थोवेलसधनकरधयासधर्माकर

चेयेसेनकावुंदवेकागुप्त
पंशाना नानुन्यानासाखी
शान्ता ॥ गुलीपा भगन
वान मोदे पदकीगू

दयेकगुडनात्रसकलसभागनप
नात्रवेलाकयात्र थवर मनसंरुष
नात्र सकलसभागनपनिसकलेद
नात्रचोन ॥ इति श्रीविचित्रकर्नि
धाय ॥ १ ॥ ॥ उंनमोरत्नत्रयाय
नकिनतियायभोनाथछलपोलजु
रसविज्याकगुमहिमाविनतियायेग
व नाग जक्ष गन्धर्व किन्नर देत्यदा
निसेनंलितकावविज्याकवेलस
थेमारुजनपनिवासयानात्रचोनद
धयासछस थोपनिनिसवनिक

॥ धर्मा ॥

॥ ४७ ॥

धनकर

पुत्रयाभतिपियेम् जयावचोन ॥ थोवेजस ॥ छुड्यादिनस थोपनिनिससयावनेजवेयार वनेधकथिथिस
मधारयानाववन ॥ थोवेजस ॥ थानथानांतरसवासयानावअनेगन नगरआदि पाहारपरवतलघना
यानाववन थनोलिछगुलिथानस गंगा छगुलिह्यानावचोन दुथुगुनदियातिरस वानपृष्ठधयासभिश्च
नंदयेकावतयाचैत्यछगलदयावचोन थुगुथायेसधर्माकरवधनकरव निसंथुगुगंगायातीरसवासया
नावचोनवेलस ॥ थुगुचैत्यखनामात्रन मनसभालपावधाल ॥ भोपासाधर्माकरखलवायो थ्वचैत्ययागर्भ
स असंघेधनद्रव्यदयु थुगुधनजकक याववनसांगाक थुका छानधालसा जिजीनिससयाभाग्यनंदुःखसि
यावजयेम्वालकं असंघधनलाभदतधक धावगुड नाव धर्माकरनंधाल ॥ भोपासाभामकुषलाना आम
कार्ज्यसजा जिमनसमलो वछानधालसा जिननेनावनयादव चैत्ययागवसुकजोदैवथुका थाथिसपरमेश्व
रयातजिजीसेनछायेगुथुका उतमधक धावगुवचनड नाव ॥ धनकरनंधाल भोपासाधर्माकर छनंछुष
लाना ग्वसपरमेश्वरधयासया प्रसातजा ॥ सकलसेनकायेतेवगथेधालसा सिलसचोनगुखानछ फोल
जककयाव छुनांनंजासकलमनोरथ पूराजियावचोन आवजिजीसेनंजा गर्भसचोनगुरत्नसुधांतकया

धमोकर

॥धनक॥

॥४८॥

वज्रोनावनसा गुग्मनोवांछायाना उ गुननानं पुगजियमपुलाकनं कुसित्वथोतेया कारया सं दुःखसिये म्वाल
धक ननानं ऐस्वर्ज्ये लाना वथ वदे सलिरुवना व सुखनं चोन वने न यो धक धाव गुव चन ऊ ना व धर्मा करनं धा
ल ॥ भोधन कर जिगमन सजामलो आमथिन गुग्मया ये मते धक धाव गुव चन ऊ ना व धन करनं धाल ॥ भोध
र्मा कर छन मयो सा छन ये या धे या व जिनं जा पर मे भूरया प्रसाद कया व धुगु धननं वने ज्ञाना व धना दे जये
का व व ये धक धया व ॥ ध्वल धन कर रा थुगु चैत्य या गर्भसि चोन गुनाना प्रकार या रत्न कया व वन थो वेल स
धर्मा कर या मनस आकूल व्याकूल चित्त या ना व माह धंदा कया व मे गुलनं वने ध्वल स ॥ ध्वल कुवु धि धन
कर या मनस अति र्षमान या ना व छगुलि थान स वासन चो ना व ॥ कह सहायां प्राप्त काल मजु वंद ना व गमन
याना व वन वेल स गुगु चैत्य सेन का गुपा पनं दा ह्यु या व ल दाना व निरंजन वन या लिसे वन थो वेल स ॥ रुन
दुर्गा वन सलाना व मनस आदल व्याकूल चित्त जया व अन वने हं मसिया व छगुलि थान स जा व दि ना व चोन
थो वेल स ॥ अकस्माननं ऋक्ष चाये भालु छल जोलनं का हा व या व थ व था स स्वया व व व गुष ना व ॥ ध्वल धन
कर विस्पु वने गु सामर्थ म दया व आना रु चो ना व स्वया व चोन ध्वल स ॥ ध्वल वन जंतु नं धन कर पना व

॥धर्माक॥

॥४८॥

माहाभयानकसदनं हलात्र वाहावाहायात्र धनकरजुकोस्वयाववल ॥ थोवेलस ॥ धनकरनं वया
पायेमसियात्र तुनामपाछायावचोन घनात्र घानवयाव तुनामचामिकजोनावनोलथुलावविल थोवे
लस ॥ धनकरयामनसंज्ञानात्र लाहाननं दाल थोवेलस ॥ थलभालुनं लाहानवानन्यानाव घालयाना
वविल थोवेलस ॥ थवसरिरसवेदनाजयात्र हलकारयानात्र तुतिनं पेनं कावछो ॥ थोवेलस ॥
भालुयामनसं अतीउसिधायात्र थयानुतिपालिनिपांजोनाव वानन्यानावविल थोवेलस ॥ धनक
रणं कुंयायेमफयात्र मुछाजयाववनं ॥ थोवेलस ॥ थलवनजंतुनं भालपुआवजाथोस्रचांदलम्बा
पुमपुनधकभालयात्र चैत्या धनजोनाववगुसकतां ॥ चिचाथनात्र हापायागुललिंस्पेंदुह्वनात्र
वनांतरसदुह्वन थोवेलस ॥ रात्रिकालजयात्र सरीरसञ्चिनिवेदनाजयात्र भूमिसगोल २ तुला
त्र माहाविलापयानावचोन ॥ हनंवनजंतुनं नषप्रहारायात्र थकुगुघालस्वयात्र मनसअतिगपाना
वथवथथमनं हनासचायात्र मनसभालपुआवगथेयायेजियासा धर्माकरनं धावगुवचन मन्येना
गुप्तासेनआत्र थोस्रपासाघालसा गनवनगनचोन आवगथेयायेहलदेवथनियादिनसजितसुनां

॥ धनकर ॥

॥ ४८ ॥

नरक्षायापु चकनानामाधनं श्रीभगवानयानामनुकयाव पोयावचीचो प्राप्ताकालजयाव अकस्मात्तनथ
 गुथानसभिश्चुद्धसथेनकलवल् योवेलस ॥ थ्वसभिश्चुनंजुलसांथथिनदुर्गावनसविलापयानाचो
 नगुसदनायावधाल ॥ अहोआसाज्येथथिननिंजनवस सुषोयावचोनषेधकविचालयानाव सोलज
 ववेलसलाहानुतिहुंमयावचोनसगोल २ तुलावचोनगुषनावचाल ॥ भोमारुपुरुष छद्वायेषोयावचो
 नासुनानंहु यात आमसरीरस सुनानंघालयानावविलचकधावगुवचनडुनाव ॥ धनकरयांविन
 नियात ॥ भोमारुपुरुषथनियादिनसद्धलपोलगननविज्यानाधेन्य २ जिगभाप जिजुलंमारुअभागिजय
 वथथिनदुःखभोगयायेमाल जिजुलंमेवमषुनागरधयाजनपदवासिवनियापुत्रथकाजिनाम धनक
 रथका जिजुलंवानिजेवियारवनेधक नानाप्रकारयाधनद्वेजोनाववयासथथिनदुर्गावनसलात सि
 गयादिनस अकस्मात्तनंभालुद्धलजोलनंपिरुवयावजिननानाप्रकारया ॥ नवप्रहारयानावदंतप्रह
 रयानावथथिनवस्मायानाववन आवजिनंजोनाववया धनद्वयसकलेंचिचाथनावनथल ॥ आवज
 कगनवनमसिया जिनंजाभालपेमफुधकविननियाकषनाव रत्नवस्तुक कयावस्वककेलसथमनं

॥ धर्माकर ॥

॥ ४९ ॥

दयेकागुचैत्ययागर्भसनावतयागु. रत्नजुयावचोनषनाव. मनसभालपुअहोआसार्जे. थगुवस्तुकजा. जिनं
चैत्यया. गर्भसथनावतया. गुरत्नथुका. अवस्यमेवनं॥ थलपुरुषनंकयावरुलजुयेमाल. थोयापायथु.
काथथिनकलसिलधकंभालपावधान॥ भोधनकरवनियाछनेथधन. गनकयावरुया॥ थोवस्तुकजा
चैत्ययाधनजुयेमाल॥ छनंगथेमसियाधकधावगुवचनउ० नाव. थोसवनियायामनस. अतिविस्मये.
चायावविननित्यातं॥ भोमाहपुषछिनंगथेमसियाधकधावगुवचनउ० नाव. थोसभिश्चुनंधाल. हेवनि
यापुरुष. छनंमसियाला. थगुवनयानिरस. गंगायातिरस. चैत्यछगलदयावचोन॥ थगुचैत्यसथुनावत.
यागुरत्नमपुला. धकधावगुवचनउ० नाव॥ थोसवनियानं. पृथिविसभोकसुनावसिरनं. नमस्कारयाना
वविननित्यातं॥ भोपरमेश्वरछलपोलसुषव. देवलासनक्षेला. जिनंमसिया. जिजुलं. माहअज्ञानिजुया
व॥ देवयाप्रसादधक. कयावरुयागुलीनंजीत. पायनंयुन. थुलिनकलजुयुमताया. आवजिनंथुगपाय
गथेयानाव. मोचनयायेधकनानाप्रकारांविननित्याकषनाव॥ थलवनियायाकेकरुनानयाव. आज्ञा
दयेकलं॥ भोवनियाआवछनतउपदेशविये. गथेधालसा. संसारस. तवधनधाये. वध. धर्मसंघवि

॥ धनकर ॥

॥ ५० ॥

नानं मेव देवतामदुःखोनेयाकारणस्य थुलिहने वारवार नामकया वचो न ॥ जिनं थुगु वस्तु कः अनंतं तया व
वियेधक उपदेस विया वचनं ॥ ॥ धनं लिख्य धनकर वनियानं ॥ थ्वलभिश्च या उपदेस ऊ ना व उ पु नं नि
सै वारं वार परमेश्वर या नामकया वचो न ॥ थ्वेलस ॥ गथे २ श्री भगवान या नाम काल अथे २ थो वनिया
या सरीर चुलिजा या व वल थुगु स्वया व वनिया या मनस हर्ष मान ज्ञया व ॥ श्री भगवान या नाम कया वचो
न ॥ थो वेलस ॥ थुगु पुं न्य नं थ्वल वनिया या सरीर कथं थें चुलिजा या व अंगु पचिन स मेतं संपुरा ज्ञया व व
गुष ना व धं न्य २ परमेश्वर धक प्रसंसा या ना व थ्व व ह्या या गुल निसें लिख्य व या व गंगा या तीर स थें न का व
थ मने जो ना व व या गु वस्तु क स क नां दु थ ना व मा हू हर्ष मान या ना व स्तोत्र या तं ॥ ॥ नमस्ते न मा हू वी हं न
ग्पा तो हं मया कृप क्षमस्व भो सदानन्द सर्व भावं नमो नमः ॥ ॥ हे चैतन्य राज कूल पो ल या चरणा स कोटि २
नमस्कार ॥ हे मा हू कृप कूल पो ल गथिं न ल धाल सा दुःखि हरि ड पनि उ पर स करुणा तया व विज्या क स कूल
ल पो ल या धन दु व जिनं म सि ह्ये ह्या या ना आ व जिनं मा हू क स न या व व ये धु न ॥ भो स चि नानन्द जि अग्पा
निया उ पर स करुणा तया व विज्या ये माल धक ना ना प्रकारां विन निया ना व चो न ॥ थो वेलस ॥ थ व पा स

॥ धर्माकर ॥

॥ ५० ॥

धर्माकरया असंख्ये धनलाभदयेकाव थोथायेसविश्रामयाये धकभालयाववल थोवेलस॥ धनकर-
षनाव थिथिकुसलवार्तायानाव धाल भोपासाकुसलजुवमषुला छगनवनाववया गुजिलाभदयेका
ववया॥ धक धावगुवचनडुनाव धर्माकरनं धाल भोपासाकुयाये भाग्यावलनं भनिभातिजोनावव
याकुयाये॥ भोधनकर आवछिगथे २ जुल धक धावगुवचननेनाव धनकरनं धाल भोपासाकुयाये
छनगुवचनमनेनागुपापनं माहदुःखसियाववया कुयायेगथे धालसाछवजिव वायाववसेलि माह
दुर्गावनसलानाव॥ अकस्माननं भालुछसवयावजिनजोनाववताग धनडवेदकेपिचाथनाव जिनना
नापकारां सलियानाव लारु नुतिनयाव वनसदुहावन थोवेलस॥ जिसरिरस अतिवेदनाजयाव
नानापकारां विलाययानाव चोनावेलस भिक्षुछसवयाव धाल भोवनियाछनं थोधनगनकयावहया
थोरनजाचेत्ययजया केदुथनावतयागुथुका थुगुपापनं छनं कसनयेमाल॥ आवछनं गनकयाहयाअ
नंतुं ययेव॥ थोवेलस॥ तिनिछनलारु नुतिचुलिजायाववयिधक उपदेसविवगुडुनाव जिनं विनति
याना॥ भोहगुरुष आवजिनंगथेयायेकुयानानं जिगुसरीर चुलिजायेके धकधया॥ थोवेलस॥ श्री

॥ धनकर ॥

॥ ५१ ॥

भगवान्यानामकया वचो जिनंथवसुक जानाववनेधक आप्यादयेकावनथल ॥ थोवेलस ॥ जिनंवारंका
रनामकयावचोना ॥ थोवेलस ॥ परमेस्वरयादयानंरुपायाथेलाहानुतिपुलिजायाववल ॥ थोवेलस
परमेस्वरयानामजककयाव थनथेनकलवया ॥ भोधर्माकरजिगुविस्मारथुलिधकधावगुवचनड
नाव मनसविस्मयेचायाव धालभोपासा आवरुयायेधिर्जयाव थुलपरमेस्वरयाभावयानाववनेका
धकधयावथमनंजोनाववयागु रत्ननाव परमेस्वरयातछायावनिलंथवदेसवनेधकगमनया
नावल ॥ धनंलिधनकरनेजुलसा थवक्षेथेनकाव मामववापनिसवनापकसलवार्तायानाव
मालकोनित्याचारधुनकाव ॥ निडाजुववेलस थवस्त्रीनंधालभोस्वामि छिजकछायेविलम्भजुल
धकविननियाकगुवचनड नाव धनकरनेधालं ॥ हेपूयजिनंवे पारयातवनागुया विस्मारविस्मार
जिनंगनतकने माहुरु स्वसियाववया जिपुर्वजन्मया भागेनरुयनिसवनापहोनेदनधकनानामा
थनंषल्लनाव ॥ श्रीचैत्यराजयाप्रसंसायानावचोने धनंलिद्धहयादिनस ॥ श्रीसाक्यमुनिभग
वाननंजुलसां कपिलवलिनगरसविज्यानाव सह धर्मकथाकनेधकसभाजुयाव सकलभिक्षु

॥ धर्माकर ॥

॥ ५१ ॥

गनपतिमुनकाव स्वंगुलिभवनसं धवगुनेजपकासयानावविज्याकवेलस धनकरवनियानं श्रीभगवा
नया नेजपकासजुवगुषनाव रुतासनंदनाव ॥ श्रीसाक्यमुनियाननमस्कारयानाव स्तोत्रयानं ॥ जेसा
नवा बुधस्मरतिबुधेतिबुधेति तथागतेति इष्टं च वाकं समुदीरयंति ॥ बुधायतस्मैपरांमंति ये च बुध
यतस्मैपरांमंति ये च बुधायनाथाय तथागताय ॥ ये पुष्पधुपादिभिपुजयंति बुधविविधं सगरासमग्रं
नैव देगन्धं श्रुतं स्वर्गसदाभोगसमंति स्माले ॥ इदं सुसारं खलु बुधपुजाभवार्या वसंतरनं विधा
न ॥ करुपुर्षवरसाक्यकेतु तथागतस्य भवनं प्रयांति ॥ अस्यार्थ ॥ गंधे चालसा ग्वसमनुक्षेनं बुधसु
मरनायायुस्वस्मेनं तथागतयानासकायु ॥ थोस्ममनुक्षेया इहलोकसं सुषसंपतिभोगयानावचोनेदयु
अंतकालसमोक्षे गति लायेदयु थोनेयाकारणस श्रीश्रि रत्नयान पुष्प धुपादि प इत्यादिसामांशिन
यावपुजायायेमाल ॥ थोस्ममनुक्षेनं स्वर्गवासलानाव आनन्दनं चोनेदयु धकथगुमिलोकवोनावगु
थासनेजपकासजुल उगुथासस्वचाकडलावनमस्कारयानं थनंति ॥ धनकरवनियानं मतसरुष
मानयानाव ॥ थवथिथिपतिदकलेमुनकाव नानाप्रकारयापुजाजोलनदयेकाव श्रीश्रि साक्यमुनिभग

॥ धनकर ॥

॥ ५२ ॥

वाननिमंत्रनायातवने धक भालपाद कपिलवल्लिनगर थ्येन कलवन थोनगर जुगुगधिन चालसा हसजो
जोजनभूमिके नावचोन ॥ हनं हसवल पर्वालनं उयेकावनयाहु हनं हसवलतालवक्षेनं उलावचोन
हनं थुगुसिमासं नाना प्रकारया जंगल पक्षिगनपनिवासयानाव हलावचोनहु हनं नाना प्रकारया स्वा
नसिसाफलनं संजुक्तजुयावचोन ॥ हनं थुगुदेसस अनेगपंदितपनिवासयानावचोन हनं नाना प्रकारया
सलकिसि वपायकपनिच्यसंघेदयावचोन ॥ हनं सदाकालं मंगलगितयानाव नाना वादेथानावचो
न ॥ थथिनसुलक्षेनजुयावचोन गुराज्येस थ्वल धनकर थ्येन कलवनाव ॥ श्रीभगवानयाहर्शनयातं थ्व
लपरमेश्वर जुगुगधिन चालसा केवल सुवर्गायाते जथे तेजजुयावचोन ॥ हनं सुयेतितालक्षेननं संजुग
जुयावचोन ॥ हनं गथेअमलावतिपुरयाराजाइउसमाननं शिक्षगनपनिमुनकाव माहाआनन्दनं सभा
जुयावविज्याकल ॥ थथिनलपरमेश्वर पनावधनकरयामनस माहाउन्साहुजुयाव थमनजोनाववयाग
पुजाजोलन सकतो सामांगीतयाव अधाभावनं पुजायानाव स्वचाकउलाव श्रीभगवानयाहर्वनेवनाव
लाहानहजलपावविनितियातं ॥ हेभगवान् कूलपोलजुल देवगनयामध्ये संतवधनावविज्याकल

॥ धरमाकर ॥

॥ ५२ ॥

अथिनस्यारमेस्वरयाचरणसवारंवारनमस्कार॥ हेनाथ जिनंमसिस्वै चैत्ययाके प्रसादवक चैत्येसेनकावधन
जोनाव्रवनागुपापमुक्तयानावविज्यायेमाल॥ हेनाथ हेगुजिंजुलंछलपोलयात पंचोपचार पुजामात्रयाये॥
अर्थनं निमंत्रनायायेधकव्याथनी प्यरुजि सुर्वयाउपरसकरुनातयाव नागरनामजनपदसभिक्षुसं
घयनिसहितनं॥ मुनकावविज्यायेमाल धकनानाप्रकारणां विनितियानाव स्वचाकउलावदक्षनादोरुल
याव अस्ववनियाथवक्षोलिरुवल थोवेलस॥ धनकरवनियाथवक्षेथेनकाव मालकोसकतांतयार
यानाव॥ सुदुभुमिस सासपिनं वथिलाव नस्वाकलेषनंरुहयानाव सुगधनंलेपनयानाव धर्मधानुम
राडलयाइलामयेनाव थास२ यतिं किंकिनिजालपेनाव॥ श्रीवध धर्म संघयाप्रतिमादयेकाव अनेगसु
गन्धुपथनाव चाकमतछेयेकाव फयाथेस्वभायमानयानावतल॥ ॥ थनंलिपेहुदयाववस्वेलिदि
नवेलातेयाव धनकरवनियानं श्रीभगवानयानामकयावलखयामराडलदयेकाव थुगुमंदलसनाना
प्रकारनंदराडवन्त्यानाव विनितियानावचोन थोवेलस॥ गुगु कपिलवलिधयानामनगरस विज्याना
वचोनस श्रीभगवान् नंषनाव भिक्षुगनयनिनया प्वालस्वयाव आज्ञादयेकल भोभिक्षुगनयनिथनिया

॥ धनकर ॥

॥ ५३ ॥

दिनस नागरजनपदया धनकरवनियानं मराडलदयेकावनाना प्रकाराणि मंत्रनायाना वचो न आवशिगि
पनिसकलें वनाव पुजाफलवनेमालनुयो धक आग्नादयेकाव थोने श्रीभगवानया आजाडु नावभिदु
गनपनिसयामनसरुषमानयानाव ॥ नाना प्रकारया वादेथानाव सकलें गोलमुनावचो न थोवेलस ॥
श्रीभगवाननंजोतिप्रकासयानाव ॥ अधिप्रभावनं आकासवानिजुयाव नागरधयाजनपदसथेनकल
विज्यात ॥ थोवेलस ॥ श्रीभगवान आकासवानिजुयाव विज्याकषनाव धनकरवनियाया मनसरुषमा
नयानाव स्वयावचो न ॥ थोवेलस ॥ थमनं लेयनयानाव नयागु सुद्धभुमिसविज्याकषनाव थमनं फया
थेभावयानाव चरणासभोकपुयाव चरनार्दविंदकयाव पुजामोन्ययानाव विनतियात ॥ थोवेलस ध
नकरयाभावषनाव परमेश्वरसंतोषजुयाव आजादयेकल ॥ भोधनकर छनमनसं वांछायाकगुजिनं
वियेधुन धक आग्नादयेकाव धनकरया पुजामोन्यकयाव पुनर्वार ॥ राजरुंसवोसेवनथे आकासवानि
जुयाव विज्यात ॥ थोवेलस ॥ मेघराजपनिसेनंषनाव स्वानवागानकाव हल ॥ रुनेनाना प्रकारया दुंदुभि
वादेथानाव हलधुगुलि प्रकारां देवगनयनिसेनं मान्ययानकाव कपिलवस्तिनगरसंतुं लिहविज्यात

॥ धर्माकर ॥

॥ ५३ ॥

धोवेलस॥ धनकरवनिधानं श्रीभगवानपुजायानागपुंननं चिंतामनिधयागुत्तलानाव सकलमनि मानीक
इत्यादि चतुर्षीस्त्रिविहिनं परिपुर्णजियावसप्रवृत्तिनं परिपुर्णजियाववल गथेचालसा थमनंयानायानाग
ज्या सकलांलाभदयाववल धोवेलस॥ अतिमनोरमनंछेव दयेकल हनंथुगुछेसलक्ष्मिनंवासयान॥
वल धोवेलस॥ अनेग सुवर्णइत्यादि असधातुनं परिपुर्णजियाववल॥ हनंनानापकारयाउमानदयेकाव॥
थुगुउमानसनापकारया स्वानसिसाफलनं परिपुर्णजियाव अनेगरुंगलयक्षिगनपनिसेनंवासयानव॥
ल॥ हनंनानापकारया पुष्करनिदयेकल॥ थुगुपुष्करनिसंनानापकारयास्वानहोयावचोनथुगुस्वानसंभ
मरुजनाव गुंजमाननंहालावचोनगुघनाव धनकयामनस स्वयनांतरसघनाथेजुयावमनसभालपुचंदे
२ परमेश्वर जिनंहाणगथिनदुःखसियावचोनाल थनियादिनस थथिनरैस्वर्जलायेचुन थथिनगुआर्जे
जास्वयेमलोनातिउ० नेंमलोनातिधंन्य२ परमेश्वरयादया आवजितजलसांथुगुवसुकनंवनजज्यानावप
रमआनन्दनंसुषभोगयानावचोनेकाधक मारुहर्षमानयानावचोन धोवेलस॥ थ्वसधनकरया पासा
धमकिरणंथुगुसमाचारसियाव धनकरयाक्षेमवनावचाल भोपासाछनंछुयानावचोना नवसंपत्तिला

॥ धनकर ॥

॥ ५४ ॥

नकावचोनधकधावगुड नावजिवया गुगुपुननंथथिनरैस्वर्जुल हा हा गथिनमनोर मनंछेद नावतयेधन
कल हानंउमानयापुस्करनिसंनानापुकारया स्वानहोयावसिसाफलसयावचोनधनाव थवथेथमनंरुषमानया
नावधाल ॥ भोपासा धनकरछनतजापरमेश्वरनंवल का धकधावगुड नावधनकरनंधाल ॥ भोपासाछनग
थेमसियाउषुनयादिनस अकासमाननंनेजपकासजुयावजिगुक्षेसफलवल ॥ थोवेलस ॥ श्रीभगवानयारस
मिपकासजुलधकभालपावकपिलवलिनगरसवनाव ॥ स्वलवनानं परमेश्वर अनविज्या नावचोनधनाव
वयायेरुमसिया वनिमंत्रनायानाववया ॥ थोवेलस ॥ प्यहुदयाववस्थेलि गुगुथासनेजपकासजुल उगुथास
मंदलदयेकाव नानापुकारंयोयावविनालया नावचोना ॥ थोवेलस ॥ थ्वसपरमेश्वर आकासवानिजुयाव
थुगमराडलसथेनकलविज्यानाव जिगुपुजाभावकयाव जितवरदानवियावथकल ॥ हेधर्माकरछनंमसि
यानिलाछगनवननावचोना धकधावगुनेनाव ॥ धर्माकरनंधाल भोपासा धनकर थथिनरैस्वर्जुलदविवग
जिनंमसियानिजिजुलवनजवननावचोनायानिमिर्तिनंमसिल धकधावगुड नावधनकरनंमाहरुषमान
यानावधाल ॥ भोपासाछमदु थनगथिनउत्साहुजुल ॥ श्रीभगवानयागुलितसैन्यदुडलिवयाव ॥ नानाप ॥

॥ धर्माकर ॥

॥ ५४ ॥

कार्यावादेथानात्र माहउत्साह्यानात्रचोन॥ थोवेलस॥ जिनंजाअथेयायेहं मसियावचोन॥ थोवेलस ग्वल
सर्वज्ञजुयावविज्याकलनंजुलसां॥ आग्यादयेकलभोधनकर॥ छनमनसचोनगुजिनंसियेधुन॥ छनतवर
दानवियेधुनहुनिधकआज्ञादयेकावविज्यात॥ थोनेयाकारयासधुका॥ थथिनरैस्वर्जेजिनंलायेफतधकधा
वगुयासायावचनड० नात्रधर्माकरनंघाल॥ भोयासाधन्य२ छनभागेछनघालसा॥ तथागतयादर्शन
यायेकारयास दोलछिदसंवतयस्यायानानंदर्सनमलाक॥ छनपुर्वजन्मयाभाग्यनंछेथेनकलविज्याना
वपुजामान्यकयाव॥ वरदानवियावविज्यातधकथिथिखल्लानात्र॥ धर्माकरवनियाथवक्षेवनात्र॥ वयां
भगवानयानामकयावदन्द्वनृयानात्रचोन॥ थोवेलस॥ कपिलवल्लिमाहनगरसविज्याकल श्रीसा
कमुनिभगवानंजुलसांमुसुंहुंरुहिलावविज्याकषनात्र॥ भिक्षुगनपतिसेनंविनतियातं॥ रेनाथछयेछ
लपोलअकस्मानंरुहिलावविज्यानाधकविनतियाकगुड० नात्र श्रीभगवानंसिक्षेगनपतिसया॥
घालस्वयावआग्यादयेकल॥ रेभिक्षुगनपतिजिजुलंमेवनाकारयासहिलागुमधुगथेघालसा॥ नाग
रजनपदवासिधर्माकरवनियानं॥ थवपासाधनकरनं॥ रैस्वर्जेयदलाकषनात्र॥ अनिआसार्जेचाया

॥वनकर॥

॥५५॥

वनगलमच्छिनकाव-थवक्षेलिखवनाव-जिगुनामनुकयाव-पृथिविसभोकसुनाव-रेकचित्तनेभगति
यानावचोन॥थोतेयाकारणसथुकाजिहिलाभोसिक्षेगनपनि-थधनकरनेचालसा-गंगायातिरसचोन
गुचैत्यराजयानमनिमालाछायावतवगुदधकआज्ञादयेकगुरुनाव-सिक्षेगनपनिसनेपुनर्वारविन-
नियान-भोपरमेस्वरआवथोयात-गुगफलदयुधकविनतियाकगुरुनाव॥भोभगवाननेआज्ञादये
कल॥भोसिक्षेगनपनिआवथोयातजाचिंतामनिधयागुल्लयासिमा-उत्पतिजुयाववयुकाधकआज्ञादये
कगुरुनाव-पुनर्वारविननियान॥भोसर्वज्ञथोरल्लयासिगथिगुषवधकधावगुवचनउनाव-पुनर्वारआज्ञा
दयेकल॥भोसिक्षेगनपनिचिंतामनिधयासिमाजुगुगथिनगुधालसा-नानापकारयारल्लसयावचोन-थुगुसिमा
सगुगफोनउगुवियेफयावचोनगुथथिनगुसिमाउत्पतिजुयाववयुनितिथुकाधकधावगुवचनउनावभि
क्षुगनपनिसकलेआसार्जेचायावचोन॥थनोलेधर्माकरयामनस-येकचित्तयानाव-लक्षिपोलदं
दवृत्त्यानावथोतेदंदवृत्त्यायेधुनकावमिषानिपांनिसियाव-परमेस्वरयाध्यानयानावचोन॥थो
वेलस॥मिषाकनावस्वकवेलसअपूर्वहिनचिंतामनियसिमाछुमा-उत्पतिजुयावचोनगुषनाव-म

॥धर्माकर॥

॥५५॥

नसहर्षमानयानाव॥ पुनर्वारथुगुसिमासंदोषाच्छिप्रमाननं प्रदक्षिनायानावचो॥ थोवेलस॥ थुगुसिमास
प्रदक्षिनायानावचोचो॥ रात्रिकालजुयाव॥ वस्येलि थुगुसिमास सयावचोनगुनानाप्रकारया एव हेग॥ मनिमानि
कवजुवैदुर्जे संघसीला॥ आदिं जातं जातयारनरुयाव॥ ववगुषनोव धर्माकरनं थुलिमनसभालपुचंन्य२ पर
मेस्वरथनियादिनसजितनं परमेस्वरनं विलका धक॥ मनसहर्षमानयानाव॥ थुगुसमेतं कयाव॥ नमस्कार
यानाव॥ थुगुचिंतामनिरत्नयासिमाथवगुधुकुतिसंतयाव॥ पमआनन्दयानावचो॥ थनंलि धनकरनं थु
गुसमाचारसियाव॥ धर्माकरयाक्षेसवनावविचालयातभोयासाछ नक्षेसमारुज॥ तिनं चिंतामनि रत्न
यासिमाउत्पतिजुयाववल धक धावगुड॥ नावजिथनवया घवला धक विचालयानाव चानवेलस थुगरत्न
यासिमाकं पमानजुयाव थुगुसदतायाव॥ धर्माकरयामनसग्यानाव धुकुतिसखलवनवेलस थुगुसि
मादिनिनिनिसनावचोनघनाव विननियात॥ भो परमेस्वरछायेकं पमानजुयाव विज्याना धक विन
नियाकषनाव॥ थुगुसिमानं थमनं नवानाव आज्ञादयेकल॥ भोधर्माकरछनं यानागु धर्मनं श्रीभग
वाननं जितछोयावरुल॥ थोतेयाकारणासजिवयेधुन आवछ नमनसगुगुइछाजुलउगुजिकेधाव

मोक्षसागर

आश्विन मास

॥ धनकर ॥

॥ ५६ ॥

जो किन्तु वहा
दुर्गा लो

जिन विषे छान धाल सा छन गंगा याति रस चो न गु चै न्य या के मनि माला छाया वसे वा या ना वन या दु थो ने या
कारण स छन त वर दान विषे धक आ ग्या दये कु गु ठ ना व धर्मा कर या मन स हर्ष मान या ना व विन नित या न
भो पर मे स्वर आव जिन छु विन नित या ये थु गु ज न स सुष संपति जु ये का व पर लोक समोक्षे गनि लान का व विसे
दिन्या ये माल धक विन नित या क गु ठ ना व थु गु चिंता मनि रत्न दक्षे न थो ल धर्मा कर न फो ना थें वर दान विल धन वि
धर्मा कर या मन स हर्ष मान या ना व यम आनन्द न चो न जु ल थो वे ल स ॥ धन कर व धर्मा कर व नित स वरो वर ज या व
नाना प्रकार या धर्म कर्म दान पुं न्य या ना व पर स्पर सत्ता ना व नाना प्रकार न श्री भगवान या गुन वर्ना या ना व प
र मे श्वर या पु सं सा या ना व स्व ल भगवान या द या न त व संपति लाना व मा हा सुष ने काल ह ना व चो न जु ल ॥ भो
का से य नि क्षु थो ने या कार न स व ल म नु क्षे नं जु ल सां ॥ श्री सा के राज या भज ना या यु व थो ल म नु क्षे नं धन कर धर्मा
कर व नित या पति से नं लाना थें सुख भोग ला ये द यु धक आ ज्ञा द ये कु गु ठ ना व स भा ग न स चो न दे व ना ग ज क्ष
गंध र्वी किं न र म हो र ग दु त्या दि स भा लोक स क ल यां चि न वो ध ज या व उ पु नु नि स चै न्य वर्न या ना व चो न जु ल ॥ ॥
॥ इति श्री विचित्र करि का व द ने ॥ ने पाल भाषा चतुर्थ ह च्या य ॥ ॥ श्री सु भ ॥ ॥

॥ धर्मा कर ॥

॥ ५६ ॥

Govinda Bahadur
Hibak